

Die 27 februarii  
**S. Gregorii Narecensis,  
abbatis et Ecclesiae doctoris**

De Communi doctorum Ecclesiae (p. 873), vel sanctorum: pro abbate (p. 886).

**Collecta**

Omnípotens sempitérne Deus,  
qui sanctum Gregórium, magistrum et decus Arméni pópuli,  
mýstica doctrina imbúere dignátus es,  
concéde nobis, ipso docénte,  
artem tecum loquéndi apprehéndere  
vitamque nostram Ecclésiæ sacraméntis constánter fulcíre.  
Per Dóminum.

Die 10 maii  
**S. Ioannis De Avila,  
presbyteri et Ecclesiae doctoris**

De Communi pastorum: pro uno pastore (p. 864), vel de Communi doctorum  
Ecclesiae (p. 873).

**Collecta**

Deus, qui sanctum Ioánnem De Avila  
clero populóque tuo magístrum præstantíssimum dedísti  
ob sanctitátem et sedulitátem vitæ,  
præsta, quæsumus, ut nostris étiam tempóribus  
Ecclésia sanctitate augéscat  
propter óptimam tuórum ministrórum sedulitátem.  
Per Dóminum.

Die 29 maii  
**S. Pauli VI, papæ**

De Communi pastorum: pro papa (p. 858).

**Collecta**

Deus, qui Ecclésiã tuã regendam  
beãto Paulo papæ commisisti,  
strénuo Fílii tui Evangélli apóstolo,  
præsta, quæsumus, ut, ab eius institútis illuminãti,  
ad civílem amoris cultum in mundum dilatandum  
tibi collaborãre valeãmus.

Per Dóminum.

**Feria II post Pentecosten**  
**Beatae Mariae Virginis Ecclesiae Matris**  
**Memoria**

Sumitur Missa de Beata Maria Ecclesiae Matre (p. 1080).

Die 22 iulii  
S. MARIÆ MAGDALENÆ  
Festum

**Ant. ad introitum**

Cf. Io 20, 17

Dixit Dóminus Mariæ Magdalénæ:  
Vade ad fratres meos, et dic eis:  
Ascéndo ad Patrem meum et Patrem vestrum,  
Deum meum et Deum vestrum.

*Dicitur* Glória in excélsis.

**Collecta**

Deus, cuius Unigénitus Mariæ Magdalénæ ante omnes  
gáudium nuntiándum paschále commísit,  
præsta, quæsumus, ut, eius intercessióne et exémplo,  
Christum vivéntem prædicémus,  
et in glória tua regnántem videámus.  
Qui tecum.

**Super oblata**

Súscipe, Dómine, múnera  
in beátæ Mariæ Magdalénæ commemoratióne exhibita,  
cuius caritátis obséquium  
Unigénitus Fílius tuus cleménter suscepit impénsus.  
Qui vivit et regnat in sæcula sæculórum.

**Præfatio: De apostolorum apostola.**

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est,  
æquum et salutáre,

nos te, Pater omnípotens,  
cuius non minor est misericórdia quam potéstas,  
in ómnibus prædicáre per Christum Dóminum nostrum.

Qui in horto maniféstus appáruit Mariæ Magdalénæ,  
quippe quæ eum diléxerat vivéntem,  
in cruce víderat moriéntem,  
quæsíerat in sepúlcro iacéntem,  
ac prima adoráverat a mórtuis resurgéntem,  
et eam apostolátus officiocoram apóstolis honorávit  
ut bonum novæ vitæ núntium  
ad mundi fines perveníret.

Unde et nos, Dómine, cum Angelis et Sanctis univérsis  
tibi confitémur, in exsultatióne dicéntes:

Sanctus, Sanctus, Sanctus Dóminus Deus Sábaoth...

**Ant. ad communionem**

2 Cor 5, 14.15

Cáritas Christi urget nos,  
ut et qui vivunt iam non sibi vivant,  
sed ei qui pro ipsis mórtuus est et resurréxit.

**Post communionem**

Mysteriórum tuórum, Dómine, sancta percéptio  
perseverántem illum nobis amórem infúndat,  
quo beáta María Magdaléna  
Christo magístro suo indesinénter adhæsit.  
Qui vivit et regnat in sæcula sæculórum.

Adhiberi potest formula benedictionis sollemnis, p. 540.

Die 29 iulii  
Ss. Marthæ, Mariæ et Lazari

Memoria

Ant. ad introitum

Cf. Lc 10, 38-39

Intrávit Iesus in quoddam castéllum,  
et múlier quædam Martha nómine excépit illum in domum suam.

Collecta

Deus, cuius Fílius  
de sepúlcro ad vitam Lázarum revocávit,  
et in domo Marthæ dignátus est hospitári,  
da nobis, quæsumus,  
ut ipsi in frátribus nostris fidéliter ministrántes,  
cum Mariá verbi eius meditatióne pasci mereámur.  
Qui tecum.

Super oblata

In beátis tuis te, Dómine, mirábilem p̄dicántes,  
maiestátem tuam suppliciter exorámus  
ut, sicut eórum tibi gratum éxstitit caritátis obséquium,  
sic nostræ servitútis accépta reddántur offícia.  
Per Christum.

Ant. ad communionem

Cf. Io 11, 27

Dixit Martha ad Iesum:  
Tu es Christus, Fílius Dei vivi,  
qui in hunc mundum venísti.

Post communionem

Córp̄oris et Sánguinis Unigéniti tui sacra percéptio, Dómine,  
ab ómnibus nos cadúcis rebus avértat,  
ut exémplo beatórum Marthæ, Mariæ et Lázari,  
valeámus et sincéra in terris caritáte profícere,  
et tui perpétua in cælis visióne gaudére.  
Per Christum.

Die 17 septembris  
**S. Hildegardis Bingensis,  
virginis et Ecclesiae doctoris**

De Communi virginum: pro una virgine (p. 876), vel de Communi sanctorum:  
pro moniali (p. 888).

**Collecta**

Deus, fons vitae,  
qui sanctam Hildegárdem, víginem,  
prophético spírítu imbuísti,  
fac nos, quáesumus, eius exémplo et intercessióne,  
vias tuas scire et in huius saéculi calígine  
lucis tuæ claritátem cognóscere.  
Per Dóminum.



Die 5 octobris  
**S. Faustinae Kowalska, virginis**

De Communi virginum: pro una virgine (p. 876), vel de Communi sanctorum:  
pro religiosis (p. 889).

**Collecta**

Deus, qui sanctae Faustinae munus tribuisti  
immensas tuae infinitae misericordiae divitias diffundendi,  
ipsa intercedente nobis concede,  
ut eius exemplo de tua bonitate plene confidere  
atque caritatis opera generose perficere valeamus.  
Per Dominum.

Die 10 decembris  
**Beatæ Mariæ Virginis de Loreto**

De Communi beatæ Mariæ Virginis (p. 829).

**Collecta**

Deus, qui promissa Pátribus adimplens  
beátam Vírginem Maríam elegísti,  
ut Mater fieret Salvatóris,  
concéde nobis illíus exéempla sectári,  
cuius humílitas tibi plácuít,  
et obædiéntia nobis prófuit.  
Per Dóminum.